



DOCUMENTO DE FORMALIZACIÓN DUN CONVENIO ENTRE A XUNTA DE GALICIA, A TRAVÉS DA CONSELLERÍA DO MAR, E A ASOCIACIÓN EMPRESARIAL GALEGA DE CARPINTERÍA DE RIBEIRA, MEDIANTE O QUE SE CANALIZA UNHA SUBVENCIÓN DE CONCESIÓN DIRECTA PARA A REALIZACIÓN DE ACTIVIDADES DE DINAMIZACIÓN E FOMENTO DA CARPINTERÍA DE RIBEIRA, DURANTE O ANO 2024

En Santiago de Compostela, 9 de xullo de 2024

REUNIDOS

DUNHA PARTE: D^a. Marta Villaverde Acuña, en calidade de Directora Xeral de Desenvolvemento Pesqueiro (NIF S1511001H), nomeada por Decreto 123/2024, do 29 de abril (DOG núm. 85 do 30.04.2024), en virtude das facultades conferidas polo artigo 8 da Orde do 21 de febreiro de 2022 sobre delegación de competencias en diversos órganos da dirección da Consellería do Mar e na Presidencia da entidade pública empresarial Portos de Galicia.

DOUTRA PARTE: D. Ramón Collazo Mosquera (DNI ***5611**), en representación da Asociación Empresarial Galega de Carpintería de Ribeira (NIF G70115340) (en diante, AGALCARI), en virtude do disposto no artigo 25 dos estatutos depositados na oficina pública de depósito de estatutos de asociacións sindicais e empresariais da Secretaría Xeral de Emprego da Xunta de Galicia co número 72-1017-2007, e do acordo adoptado pola Asemblea Xeral Extraordinaria na súa sesión do 07 de outubro de 2023.

Ambas partes, respectivamente, recoñécense capacidade e competencia para formalizar o presente convenio, séndolle de aplicación a Lei 9/2007, do 13 de xuño, de subvencións de Galicia (en diante, LSG), o Regulamento da Lei 9/2007, do 13 de xuño, de subvencións de Galicia, aprobado por Decreto 11/2009, do 8 de xaneiro (en diante, RSG), e demais normas que se detallan no clausulado do mesmo.

DIRECCIÓN XERAL DE DESENVOLVEMENTO PESQUEIRO

Rúa dos Irmandiños, s/n- Salgueiriños
15781 Santiago de Compostela
T. 981 546 176
cma.dxdesevolvemento@xunta.gal

ANTECEDENTES ADMINISTRATIVOS

PRIMEIRO.- Lei 9/2023, do 28 de decembro, de orzamentos xerais da Comunidade Autónoma de Galicia para o ano 2024, figura unha subvención de concesión directa a favor de AGALCARI, por un importe de 10.000,00 euros na aplicación orzamentaria 15.03.722A.481.7 (proxecto 2015 00595) e por un importe de 20.000,00 euros na aplicación orzamentaria 15.03.722A.781.7 (proxecto 2015 00595), existindo crédito axeitado e suficiente para atender as obrigas que derivan da subvención.

SEGUNDO.- A Consellería do Mar, ao abeiro do disposto no artigo 37.2 do RSG, acordou o inicio da tramitación deste convenio con data 19 de marzo de 2024.

TERCEIRO.- A Consellería do Mar, con data do 24 abril de 2024, aprobou a autorización do gasto a favor de AGALCARI, por importe de 10.000,00 euros na aplicación orzamentaria 15.03.722A.481.7 (proxecto 2015 00595) e por un importe de 20.000,00 euros na aplicación orzamentaria 15.03.722A.781.7 (proxecto 2015 00595).

CLÁUSULAS

PRIMEIRA.- OBXECTO E ACTUACIÓNS

O obxecto do presente convenio é canalizar a subvención prevista nominativamente na Lei 9/2023, do 28 de decembro, de orzamentos xerais da Comunidade Autónoma de Galicia para o ano 2024, a favor de AGALCARI, co fin de financiar as actuacións previstas ata o 30 de novembro de 2024 consistentes na dinamización e fomento da carpintería de ribeira.

AGALCARI vén desenvolvendo actividades de recuperación, conservación e divulgación do patrimonio marítimo galego, con especial énfase na defensa e promoción dos intereses económicos, sociais e culturais dos seus afiliados mediante unha constante labor formativa.

As actuacións correspondentes ao ano 2024, son entre outras as seguintes:

- Promoción da recuperación do patrimonio marítimo flotante como importante nicho de traballo para o futuro da carpintería de ribeira, a través da:

DIRECCIÓN XERAL DE DESENVOLVEMENTO PESQUEIRO

Rúa dos Irmandiños, s/n- Salgueiriños
15781 Santiago de Compostela
T. 981 546 176
cma.dxdeseenvolvimento@xunta.gal

- Participación en eventos relacionados co patrimonio marítimo, para achegar a nosa riqueza cultural marítima a outras rexións.
- Promoción das embarcacións tradicionais como nicho de mercado para as carpinterías de ribeira.
- Promoción das embarcacións de madeira, con diversas presentacións para amosar ao público en xeral as potencialidades dos barcos construídos con métodos tradicionais, promocionando así a construción de barcos de madeira, tanto para o lecer como tamén como plataformas de traballo.
- Participación en eventos relacionados co patrimonio marítimo. Participación na Feira Mariñeira que se celebrará en O Freixo - Outes (A Coruña) os días 5-6 e 7 de xullo, evento organizado polo Concello de Outes en colaboración coa Asociación Mar de Outes e Culturmar.
- Eido de competitividade do sector, a través de xuntanzas de traballo coas administracións públicas co gallo de acadar un regulamento específico para a construción de embarcacións de madeira así como unha marca de calidade asociada ao mesmo.
- Eido de promoción e cooperación, a través da:
 - Presentación do vídeo "O saber dos carpinteiros de ribeira: na sala de gálidos", elaborado no marco do convenio cos Consellería do Mar correspondente ao ano 2023.
 - Inicio do proxecto "Proceso construtivo dun barco de madeira" Ten como obxectivo documentar mediante a edición dun libro e material audiovisual a parte máis directa da arte de construír barcos de madeira. Fase 1, a realizar en 2024: Realización de todo o traballo de campo, é dicir, toda a fase de realización dos traballos técnicos descritos anteriormente, por pasos; toma de fotografías dos distintos pasos para describir e amosar graficamente as seguintes fases:
 1. Elaboración das "plantillas" a partir do trazado.
 - Selección de madeiras e serrado das mesmas.
 - Elaboración da roda de proa, quilla, codastes, alefriz e raio de Xúpiter
 - Marcaxe, serrado e composición das cadernas.
 - A popa e o seu alefriz.
 - O enramado das cadernas e a súa distribución. A sobrequilla.

SEGUNDA.- OBRIGAS E COMPROMISOS ECONÓMICOS

A Consellería do Mar subvencionará as obrigas que se deriven das actuacións do presente convenio ata un importe máximo de 30.000,00 euros, con cargo ao exercicio orzamentario de 2024, segundo o seguinte detalle:

- 10.000,00 euros da aplicación orzamentaria 15.03.722A.481.7 (proxecto 2015 00595).

- 20.000,00 euros da aplicación orzamentaria 15.03.722A.781.7 (proxecto 2015 00595).

AGALCARI asume as obrigas recollidas para os beneficiarios das subvencións no artigo 11 da LSG, así como as seguintes:

- Dedicar integramente o importe da subvención á realización das actividades sinaladas na cláusula primeira.
- Realizar o seguimento das accións anteriormente descritas.
- Pór en coñecemento da consellería calquera incidencia que afecte á realización ou desenvolvemento posterior das actuacións efectuadas, proporcionando toda canta información lle sexa requirida.
- Dar cumprimento ao disposto no artigo 27 da LSG, relativo á subcontratación das actividades subvencionadas polos beneficiarios. A estes efectos, non se establece un límite para subcontratar.
- Dar cumprimento ao disposto no artigo 29.3 da LSG, relativo á solicitude de tres ofertas, como mínimo, con carácter previo á contratación de compromisos con provedores, salvo que non exista no mercado suficiente número de entidades que as realicen, presten ou subministren.
- Prestar colaboración e facilitar toda a información que lle sexa requirida, no exercicio das súas funcións de fiscalización e control do destino das subvencións, pola Intervención Xeral da Comunidade Autónoma, polo Tribunal de Contas e polo Consello de Contas.
- Manifestar expresamente o consentimento a que os datos que obran en poder das administracións públicas, sexan consultados directamente pola administración, de conformidade co disposto no parágrafo 2 do artigo 28 da Lei 39/2015, do 1 de outubro, do Procedemento Administrativo Común das Administracións Públicas, e no artigo 10.2 do RSG.
- Subministrar toda a información necesaria á administración en virtude das obrigas previstas para as persoas xurídicas beneficiarias de subvencións, conforme co disposto na Lei 1/2016, do 18 de xaneiro, de transparencia e bo goberno, e na Lei 19/2013, do 9 de decembro, de transparencia, acceso á información pública e bo goberno.

TERCEIRA.- RÉXIME DE COMPATIBILIDADE

Será compatible a percepción doutras subvencións, axudas, ingresos ou recursos para a mesma finalidade que a do presente convenio, procedentes de calquera administración ou entes públicos ou privados, estatais, da Unión Europea ou de organismos internacionais.

DIRECCIÓN XERAL DE DESENVOLVEMENTO PESQUEIRO

Rúa dos Irmandiños, s/n- Salgueiriños
15781 Santiago de Compostela
T. 981 546 176
cma.dxdeseenvolvimento@xunta.gal

O importe das subvencións en ningún caso poderá ser de tal contía que, illadamente ou en concorrancia con outras subvencións, axudas, ingresos ou recursos, supere o custo das actividades subvencionadas.

CUARTA.- GASTOS SUBVENCIONABLES

Consideraranse gastos subvencionables aqueles que de xeito indubidable respondan á natureza da actividade subvencionada, e fosen realizados e pagados entre o 1 de xaneiro e o 30 de novembro de 2024.

Os tributos consideraranse gasto subvencionable cando AGALCARI os abone efectivamente. En ningún caso, se consideraran gastos subvencionables os impostos indirectos cando sexan susceptibles de recuperación ou compensación nin os impostos persoais sobre a renda.

Os custos indirectos formarán parte da xustificacións da subvención, se se imputan por AGALCARI ás actividades subvencionadas, na medida en que tales custos correspondan ao período en que se realiza a actividade.

Os gastos subvencionables respectarán as regras contidas no artigo 29 da LSG.

QUINTA.- PRAZOS E FORMA DE XUSTIFICACIÓN DA SUBVENCIÓN E APLICACIÓN DOS FONDOS

O prazo límite para a xustificación dos gastos subvencionables será o 10 de decembro de 2024.

A xustificación do cumprimento das condicións impostas e da consecución dos obxectivos previstos, documentarase mediante a forma de conta xustificativa do gasto realizado, conforme co disposto no artigo 48 do RSG.

SEXTA.- PRAZOS E MODOS DE PAGO DA SUBVENCIÓN

O pago da subvención realizarase previa xustificación polo beneficiario, da realización da actividade para a cal se concedeu, e pola contía da subvención efectivamente xustificada.

O órgano concedente realizará as comprobacións pertinentes e incluírá no expediente un certificado acreditativo da verificación realizada.

Establécese a posibilidade de realizar pagos a conta. Ditos pagos a conta poderán supor a realización de pagos fraccionados que responderán ao ritmo de execución das accións subvencionadas, abonándose por contía equivalente á xustificación presentada, coas limitacións previstas no artigo 62 do RSG, e de conformidade co disposto nos artigos 65.4 f) e 67 do RSG.

Non poderá realizarse o pago da subvención en tanto o beneficiario non se atope ao corrente no cumprimento das súas obrigas tributarias e fronte á Seguridade Social e non teña pendente de pago ningunha outra débeda coa Administración pública da Comunidade Autónoma ou sexa debedor por resolución de procedencia de reintegro.

SÉTIMA.- REINTEGRO, INCUMPRIMENTO DAS OBRIGAS E COMPROMISOS

Nos supostos previstos nos artigos 32 e 33 da LSG, procederá o reintegro das cantidades percibidas e a esixencia do interese de demora correspondente dende o momento do pago da subvención e ata a data na que se acorde a procedencia do reintegro.

O procedemento de reintegro será o previsto no Capítulo II do Título II da LSG.

O incumprimento das obrigas e compromisos asumidos polo beneficiario, que sexan constitutivos de infraccións e sancións administrativas en materia de subvencións, tramitaranse conforme co disposto no Título IV da LSG.

Por outra banda, o incumprimento da obriga de subministrar información á administración, dará lugar á aplicación do disposto no Título III da Lei 1/2016, do 18 de xaneiro, de transparencia e bo goberno.

OITAVA.- RÉXIME XURÍDICO APLICABLE

O presente convenio estará suxeito á LSG e ao RSG, e aos preceptos básicos contidos na Lei 38/2003, do 17 de novembro, Xeral de Subvencións, e no Regulamento da Lei 38/2003, do 17 de novembro, Xeral de Subvencións, aprobado por Real Decreto 887/2006, do 21 de xullo.

En relación coas obrigas de publicidade e transparencia, resultaranlle aplicables a Lei 1/2016, do 18 de xaneiro, de transparencia e bo goberno, e a Lei 19/2013, do 9 de decembro, de transparencia, acceso á información pública e bo goberno.

Subsidiariamente aplicaranse as restantes normas de dereito administrativo e, no seu defecto, as normas de dereito privado.

NOVENA.- PUBLICIDADE DA SUBVENCIÓN CONCEDIDA

O beneficiario deberá dar a axeitada publicidade do carácter público da financiación de programas, actividades, inversións ou actuacións de calquera tipo que sexan obxecto da subvención.

A publicidade consistirá na inclusión da imaxe institucional da Xunta de Galicia, regulada no Decreto 112/2021, do 22 de xullo, polo que se aproba o uso dos elementos básicos da identidade corporativa da Xunta de Galicia, así como lendas relativas á financiación pública en carteis, placas conmemorativas, materiais impresos, medios electrónicos ou audiovisuais, ou ben en mencións realizadas en medios de comunicación.

DÉCIMA.- MECANISMOS DE SEGUIMENTO, VIXILANCIA E CONTROL

O seguimento, vixilancia e control do establecido no presente convenio realizarase por unha comisión de seguimento formada por:

A Directora Xeral de Desenvolvemento Pesqueiro ou persoa en quen delegue, que será a Presidenta.

O Xefe de Servizo de Desenvolvemento Pesqueiro, que será o Secretario.

O Presidente de AGALCARI ou persoa en que delegue

O/A Secretario/a de AGALCARI.

Esta comisión será competente para resolver as controversias que poidan xurdir respecto á interpretación e cumprimento do convenio.

UNDÉCIMA.- PRAZO DE VIXENCIA, PRÓRROGA E MODIFICACIÓNS

O presente convenio estará vixente dende o día seguinte ao da súa sinatura e ata o 30 de novembro de 2024.

Non se prevé a posibilidade de prórroga ou modificación do convenio.

O conselleiro
P.D. Orde do 21.02.2022 (DOG núm. 41 do
01.03.2022),
A directora xeral de Desenvolvemento
Pesqueiro
Marta Villaverde Acuña

A Asociación Empresarial Galega
de Carpintería de Ribeira
D. Ramón Collazo Mosquera